

АПРЕЛЬТЬ

12-це шистонза 1941 кизонь

42 (1838)

ПИТНЕЦ 10 тр.



Комсомолонь ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙНЬ ГОРКОМЪ ГАЗЕТАСНА

ЛИСЕНДИ

9-це КИЗОСЬ

Адрессь: г. Саранск,
Советская ул., Дом печати.

УСПЕШНАЙСТА АДЕЛАМС ТОНАФНЕМА КИЗОТЬ

Ушедсь тонафнема кизоть нилеце четвертец.

Тя периодста школатнень и учительствать инголе путневихть пик оцю и ответственной задачат. Успешнайста аделамс тонафнема кизоть—тя первоочередной и аф отложной тевоц эрь ученикть, учительть и школать.

Сянь инкса, штоба успешнайста аделамс нилеце четверть, эряви четкайста и планомернайста ладямс школатнень, учительхнень и ученикнень работаснон, ванфтомок строгайста школьной режимть. Учителхне и школьной руководителхне должетт шарфтомс особай мяль сянь лангс, штоба учебнай эрь минутась уелель полноценна етафтф урокт анокламанцты и сонь етафтоманцты.

Нилеце четверть эзда ламода касфневи школьникнень учебнай нагрузкасн, особенна старшей класснень эса. А тянь инкса эряви теист правильна организовандам трудонь режимть, правильнайста сочетать тонафнемаснон ваймамаснон мархта. Аф эряви перегружать синь разнай общественной работаса, ибо тя перегрузкась меколы отразится испытаниятнень пингста.

Пякоцю рольсна испытаниятнень анокламаса и тонафнема кизоть цебарьста етафтомаса ВЛКСМ-нь райкомтнень видеса школьной комиссиатнень. Сави азомс, што ламосна синь эздост Мордовияса по-деловому кундасть тя тевти и няфнихть аф калдяв примерхт, кода, например: 3-Полянский районна (председатель Дмитрий-вась), Б-Березниковский районна (председатель Быкова) и етак тов. Но улихть комиссият, конат аф аныцек аноклайхть лездом школатнень, но совершенно кодамоков работа аф вятихть. Тяфта, например, ащи тевсь Ширингушский районна, кода школьной комиссиянь председателкс работай Быстровась, тяфта жа ащи тевсь Рыбинский районна, кода председателкс работай Афанасьевась.

Предстоящай испытаниятнень анокламаса лама школат няфнихть аф калдяв примерхт. Вов, например, Ковылкинский районна С-Драка велень среднай школань 10-це класса тонафни 23 ученик и сембе синь комсомолецт. Тя классь 1940—41 тонафнема кизоть сембе колмицке етай четвертнень эзда занпезе васенне вастт школаса. Кулагин, Шубина, Комаров, Кожевникова ученикне тонафнихть аныцек отличнайста. Аф калдяв примерхт няфнихть испытаниятнень анокламаса Зубунь и Инсаронь педучилищань и Атюрьевский среднай школань комсомолецне.

Комсомолть инголе тьяни ащи боевой и пик почетнай задача организованнайста анокламс испытаниятнень и етафтомс синь оцю успех мархта. §5



СНИМКАСА: Саранскийнень педучилищань ученикне кулхондыхть гимнастический соревнованиянь результатнон. Фотоць Веретенниковть.

КОМСОМОЛЕЦНЕНЬ МАССОВАЙ ГИМНАСТИЧЕСКАЙ СОРЕВНОВАНИЯСНА

Васенце шить примась участия 1.136.660 ломань

ВЛКСМ-нь ЦК-са тифт итокт комсомолецнень массовой гимнастический соревнованийснон васенце шинцты.

Соревнованиятнень васенце шисна—апрельть 6-це шипц—марнек странать эзга етась яркайста и праздничнайста. Сон няфтезе физический культура и спортти комсомолецнень апак лотксек касы мяльснон.

Комсомолонь обкомтнень, крайкомтнень и союзнай республикань ЦК-тнень даннайснон коряс соревнованиятнень эса васенце шиста примась участия 1.136.660 ломань. Участникнень ламосна успешна максозь ГТО-нь и БГТО-нь комплексонь гимнастический норматнень. Нормань максыхнень эткса ламось получасть отличнай оценка.

ВЛКСМ-нь ЦК-сь шарфтозе сембе комсомольский организациятнень мяльснон сянь лангс, што эряви сатомс соревнованиятнень эса комсомолецнень марнек массась участиянц и етафнемс соревнованиятнень аф аныцек выходной шиста, но и работада свободнай пингста эрь шиня.

(ТАСС).

СССР-нь СОВНАРКОМСА И ВКП(б)-нь ЦК-са

ЮБИЛЕЙНЬ ПРАЗДНОВАНДАМА ПОРЯДКАТЬ КОЛГА

Мекольдень кизотнень келиста кармась етафневома аф здоровай практика разнай организациятнень, учреждениятнень, предприятиятнень, общественнень, научнай институтнень, учебнай заведениятнень и башка ломаттнень всякай юбилейснон праздновандамаснон колга. Юбилейхне етафневихть ефси произвольнай датава. Праздновандави организацият, предприятия, учрежденият колма кизонь топодемац, вете кизонь топодемац, 10-нь кизонь топодемац, 15 кизонь топодемац, 20 кизонь топодемац. Башка ломаненди юбилейхть етафневихть тяфта жа кодама повсь срокста и пик разнобразнай поводса—тя или тона предприятияса, учрежденияса ламос работам пингонкса, тя или тона специальностс эса работамань пингонкса, возрастонкса. Юбилейнь праздновандаматне сидеста етафневихть юбилярхнень работаса сатфкснень апак лувонт и шарфневихть юбилейнай ваканлиянди. Юбилейхне организовандакшнехить соответствующай правительственной орга-

нонь ширде кодамоков разрешенияфтома и синь етафтомаснонды карххцакшнехить государственнай и общественной ламонь средства, причем кажнай юбилейста вешихть юбилярхнень ордена и медалса награжденияснон.

Лувондомок сянь, што правительствать и партият инголе предприятиятнень, учреждениятнень, организациятнень и башка ломаттнень ширде особай заслугатнень правительствась и партиясь отмечают государственнай ваградаса и поощрениянь лия мераса, СССР-нь СНК-сь и ВКП(б)-нь ЦК-сь, юбилейнь праздновандамать эса порядкань тямать инкса постановили:

1. Разнай организациятнень, учреждениятнень, предприятиятнень, общественнень, научнай институтнень и учебнай заведениятнень юбилейснон етафнемс эста, кда юбилярхнень работаса улихть выдающей сатфкт аныцек 20 кизонь, 50 кизонь, 100 кизонь топодема шистост и сяда тов кажнай 50-нь кизонь етазь

синь существованиянь шистост сявомок.

2. Выдающей государственнай и общественной деятельнень, а тяфта жа ученайхнень и лия ломаттнень, конатнень улихть особай заслугасна наука и техника, литературань и искусствать развитиянь тевса, юбилейснон отмечать аныцек синь шачема шистост сявомок 50 кизонь, 60-нь кизонь и 75 кизонь топодема шистост.

3. Великай ломаттнень, конат прославили родинать эсь выдающей государственнай деятельностиснон мархта, наука, техника, литературань и искусствань областса эсь открытияснон и достиженияснон мархта, памятнон чествованиянц етафнемс синь кулома шистост сявомок 25, 50, 75, 100, 150, 200 кизонь топодема шистост и сяда тов кажнай 100 кизонь етазь.

4. Юбилейнь организовандамась и синь етафтомаснонды средствань расходовандамась может етафневома аныцек СССР-нь СНК-ть и ВКП(б)-нь ЦК-ть разрешенияснон коряс.

МЕЗЕ НЯФТСТЪ СОРЕВНОВАНИЯНЬ ВАСЕНЦЕ ШИТНЕ

Тячи котоце шись, кода молихть ни марнек странать эзга комсомольский гимнастический соревнованиятне. Ковылкинский районна участиянди максась заявкат 27 первичнай комсомольский организация 264 комсомолецнень лувкс мархта. Сембе ня участникне явфт 26 командава (13 стирнян и 13 перанянь командат). Тя составляет марнек районнай комсомольский организацият аф нилекек пялксонза ламонь.

Райкомса составленнай графикть коряс соревнованиянь васенне шитнень должетт ульст максомс гимнастикаса зачетнень, лиякс мярьгомс, должетт улемс етафтф соревнованият—8 организациява, но мзярдс судьясь Сундуков ялгась кармась примам зачетнень, то няевсь, што ня организациянь комсомолецне аф аныцек аф содасазь гимнастический упражнениятнень, но нльне стройса якамонга аф маштыхть. Мезьса тевсь? Оказывается, тевсь сянь эса, што ня организациятнень эса инголи кодамоков тренировочнай занятия етафтф ашель. А сяс судьясь примам зачетнень ефсике отказась и посоветовал лацкае анокламс теист.

Виде, улихть районна комсомольский организацият, кода железнодорожной среднай школаса, «Объединение» промартельса, птицевовхозса и Ковылкина станияса, конатнень секретарьсна сяда серьезнайста вантсть тя мероприятият ширес: синь етафтсть 4—5 занятия соревнованиянь ушедома шити самс.

Апак содак, коста сязовз Ковылкинаса тяфтама указаниятнень, што гимнастический соревнованиятнень эса бта должетт примам участия аныцек комсомолецне.

— Аш тянь колга специальнай указаният, — корхтайхть райкомса. Наверна ВЛКСМ-нь ЦК-ть решениянц гимнастический соревнованиятнень колга теист аф специальнай указания.

Интереснай райкомонь работникнень рассуждениясна и колхознай од ломаттнень колгага.

— Минь фалу лисентяма аныцек школьной од ломаттнень счета, корхтайхть синь. И виде. Ня соревнованиятнень эсонга фкявок колхознай организация аф участвовадай. Тя альбатьксь ульсь полдаф и лыжнай кроссть пингстонга, конань уроконц тичемс не учили.

Гимнастический соревнованиятнень аделамаснонды иляткини сембоц 10 шит. ВЛКСМ-нь Ковылкинский райкомти эряви максимална использовать ня шитнень, штоба фатмась кода можна сяда лам комсомолец ня соревнованиятнень эса. А возможностьт танди Ковылкинаса улихть.

М. Сайгин.



СНИМКАСА: «Красный квадрат» фабрикань работницатне-физкультурниатне выступандайхть спортонь Рижский Домть эса. Фотось Д. Черновть.

МЕЗЬСА ИНТЕРЕСУЕТСЯ ПРОНЬКИНАСЬ?

Комсомольский организациатне партиянь инголе кандыхть ответственность од ломаттнень коммунистический воспитания-снон инкса. Силь должетт неустанна работамс комсомоленень и од ломаттнень идейно-политический уровеньон касфтомаса.

Но, к сожалению, улихть нинге комсомольский организациат, конат работань тя важнейшая участка мезнятка аф тиендихть.

Тяфтамс лувондови Тумановка велень первичнай комсомольский организациась (секретарь Пронькина Ягаса). Тя организациася Пронькина Ягаса колхознай од ломаттнень ётка аф вяти кодамоков воспитательнай работа, мезень сюнеда мекольден кофнень пингста комсомолу атак примак фявон ломань.

Комсомольский организациася тяфта жа аф максии кодамоков лезке колхозонь правленияи тундань видемати анокламаса.

Дм. Ломакин.

Пурдошанский район.

УЛИХТЬ ДОСТОЙНАЙ ВОИТТ

Улемс «достоиннай воинкс—эрь советский од ломанть заветнай мечтац. Жизнерадостнай советский од ломаттнень эзда кажнайсь тя почетнай звания инкса тюри пак оцю вийса.

Мокша Ювня велень «КИМ» и XVIII партийнай съездть лемса колхозонь колхозникне-призывникне пак цебарьста аноклайхть Рабоче-Крестьянский Красной Армияв и Военно-Морской Флоту очередной призывть сембе ширде анокста васьфтемашты. Тяса призывникне 100 проценте фатыфт военной тевть тонафнемаса.

Призывникне пак оцю интереса тонафнесазь РККА-нь караульной службань, строевой, боевой и дисциплинарнай устафнень, ПВХО-ть и ГСО-ть. Будущай воиттне тяфтажа пак упорна работайхть эсь идейно-политический уровеньон касфтомасовок. Силь учебнай пункт-

са глубокайста тонафнесазь партияньконь XVIII Всесоюзнай конференциянь материалонзон и СССР-нь Верховнай Советть VIII-це сессиянь мархта примаф закоттнень.

Кода правила, призывникне боевой и политической учебада башка няфнихть трудонь замечательнай образец колхознай производствасовок. Силь эздост аф кржась паксав наземонь ускемаса, нармонень пометонь и кулувонь кочкамаса, видьмонь триеровандамаса—тундань видемати анокламась сембе работатнень эса выработкань норматнень пашкотышесазь 125 процентта ламос. «КИМ» и XVIII партийнай съездть лемса колхозонь Военно-Морской Флоту очередной призывонь шить васьфтьсазь сембе ширде анокста.

И. Родин.

Торбеевский район.

ТОНАФНЕМС СЕМБОНДИ

Мамолаевский средний школы ласа улихть стама ученик, конат пелихть черновой работат эзда. Виде, лама ученикта, конат, аделамок занятия-нон, лездыхть кудса. Мон монць тонафни 10-це класса. Содаса, што курокста мон сунан самостоятельной эряфонь кити. А кда тяфта, то сави ламонди тонафнемс, тонафнемс и мелочнай тевонь тиема. Тя сембось эряви минь эздонк кажнайти сяда товодонди. Кой-коста пенгат керят, сувафтсайть куду, лездат тялпти комнатать урядамаса. Сембось тя няфни эсь родительхненди уважениянь чувства.

Но сави марьсем лама учениконь ширде и стама мяхьхть, што черновой работас теет аф эрявксты. И нльне сялонга калдяв, што силь черновой работат лувондсазь аф позволительнайке, кода комсомоленди. Тя аф виде. Вов Синдровский райононь «Светлый путь» колхозса весть комсомольский собраниясь путфоль кизефкесь тундань видемати анокламать колга. И калдяв-

ста ашесь тевсь паксав наземонь ускомаць мархта. Ваномок тянь лангс, Лещев и Якушин комсомоленце максесь предложения, штоба ваймама шиста сембе комсомоленценди модемс наземонь ускома. Комсомоленень тя работасна максол ба колхози пак оцю лезкс. Можналь ба учемс, што сембе комсомоленце поддержут тя ценнай инициативать, полезнай тевть. Но аф тяфта. Комсомоленце, 9-це классонь учениксь И. С. Клоковсь и лия кармасть спорема тя ли силь тевсь. Силь тевсна тонафнемс. Но черновой работаса мезевок тиёмс не могут. А 10-це классонь ученикне А. С. Клоковсь и А. П. Якушинсь пак дивандасть сян лангс, што комсомоленце молихть наземонь ускема.

Тяфта могут корхнемс сят комсомоленце и комсомолнатне, конат аф шарьхотышнесазь, што минь странасонк любой трудсь почетнай, што аныкчестнайста работазь можна сатомс эсьтейть цебарь эряф.

И. Матвеев.

КОМСОМОЛЬСКИЙ ОРГАНИЗАЦИЯСЬ КАСЫ

Сире-Каньгуш велень школьной комсомольский организациася ученикнень ётка вяти оцю массово-воспитательнай работа. Тяса лама комсомолец тонафнихть анык отличнай и цебарь отметка мархта. Тянь мархта ашихть примеркс аф союзнай од ломаттненьди. Черракин И. комсомолец, аф ваномок сян лангс, што сон вяти оцю общественнай работа, колмоце четвертень отметканза пцтай сембе отличнайхть.

Массово-воспитательнай работат цебарьста ладямани вельде передовой ученикне, кода Кирдяшкин Е., Кирдяшкин А., Черракин Ф. и Дуррушев А. сувасть комсомолу. Азф ученикнень колмоце четвертень отметкасна отличнайхть и цебарьхть.

Кирдяев.

Ельниковский район.

Оцю урожайть инкса

Аф стак корхнихть «мезе видят, сян и пуйт».

«Активист» колхозонь колхозникнень добросовестнайста работамасна максесыне эсь результатонзон. 1940 кизоня колхозсь получась средняяста озимойда 15 центнер и яровойда 11 центнер эрь гектарста.


Эсь пингстонза сёротнень урядамасна максь возможность эсь пингста тиёмс полной расчет государствати сёронь каямаса, и явомс колхозникненди трудис коре.

Колхозникнень кизоста-кизоса сяда цебарьготкшни культурнай и экономической положенисна. Кудашкин Иванть семьяц получась 250 пуд сёра и 300 пуд корма. А тяфтама примерла аф кржа.

1941 кизоня колхозникне савсь обязательства получамс 16 центнер эрь гектарста. И аш кодамоков сомнения, што силь обязательствасон пашкотысазь. Силь деятельнайста аноклайхть тундань видемати. Кочкайхть кулуфт, саразонь помет. Видьмотне сортировандафт, машинатне петифт и анокт.

М. Кудашкин.

Краснослободский р-н.



Саранский педучилищань 2-пе курсонь студентсь Ваня Бабенков тиенди упражненияи турникса.

Фотось А. Канифатьевть.

ТЕВТЬ ЮКСТАЗЬ

Аф грамотность и малограмотность машфтомац—школатнень и комсомольский организациатнень фия инь важнай задачасна. Левжа велеса школань дирекциясь кунара нинге сёрмакшнесь занятия-нень ётафтомаснонды расписания, кемокснесь аф грамотнайхнен тонафнемс культурмеецт, но тевда мянь тичимс пак кржа тиф. Комсомольский организациася сян васте, што-оа примосемс важнай тевса активнай участия, тя кизефкесь нльне ашезе путне собрания-сонзонга.

Тянь сюнеда и тичимс пингть аф грамотнайхне и малограмотнайхне аф тонафневихть.

Комсомольский организациася и лия кизефкеснень мархта аф занимадондашми. Оборонно-физкультурнай работа аф мольтеве. Осоавиахимский организациат работанцы комсомоленце лезкс аф максихть. А осоавиахимский организациат работан ладяф пак калдявста, собранияи аф эрьсихть, четтнень ламосон билетсна аш.

КОНОВ.

Рузаевский район.

Ф. ДУРНОВ.

Од поэтт

Минь кржа корхнетьа печатть вельде эсь писательконь колга—и тя пак аф пара. Мокшень писательхне нинге анык венемкшихть и творчествасон или башка произведенийасон колга критический замечаниятне лац лездолхть силь формированияснонды. Сембода пак цебарь уэль, кда произведенийатнень кувалма азончнелезь мялснень печатть вельде аф анык литературхне-журналистне, но сембе лувихне: учительхне, тонафнихне, колхозникне и стак тов.

Мекольден кизотнень кемоста сувси мокшень поэзияв А. Малькин. Сонь васенне произведенияза листть 1937 кизоня. Этакиге ни ушечни поэтть стихонзон эзда марявсь, лия авторхнен вешасон вакс пуюз, ламода сяда оцю музыкальность. Малькинть васенне стихонза страдандасть лама аф сатыксса, конат тиендесь силь аф полнокровнайке, аф убедительнайке. Схематизмась (художественнай образса, «картинностьса» атак кяштть тенден-

циясь), штампсь азорондасть поэтть лангса вельф. Кепотыксонди, сон сёрмачнесь тяфтама стихт, кода «Тюресь сатоськ панжи эряфть», «Панжи эряфсь марлювонь садкс», «Тейть, комсомолец!» стихне. Эсь целеустремленностьсон коряс силь—замечательнайхть «эсост задорнай оптимизма», но кода художественнай созданият, конат фатылезь ба лувить мяленц, токалезь седиец,—козонга аф яраштыхть. Тяка лангс, колмонык стихне корхтайхть фякнь колга: ульсь бойхть, «архнемазь порох качамса», вишкста тюреме, тапаськ врагть и сатоськ панжи эряфть. Кода няйсась, нятнень эзда кажнай аф оцю стихкаса фатыф минь странаньконь сембе историяц, пють ли аф «мирть сотворениянц» эзда савомок тичинень нингти самс.

Кярмодемек эряфонь явлениятнень, ломаттнень поступкасон конкретнайста няфтемаснонды, Малькин прашендсь омбопе крайности. Сёрмадсь велень природат, ломаттнень

паксаяс работамасон и ваймосемасон колга, сяда «детальна», чем вьре азф стихонзон эса, но фалу фяк, сембе вешатне аноклафт ренешт коряс. Кда варжаксттама сонь «Весяла», «Тундань илядь», «Илядь велеса», «Ваймамста» стихонзон лангс, то сразу няви, што силь эсь содержанияснень, художественнай средствасон, нльне эсь объемсоннга коряс—точный копият фяк «родоначальниконь» эзда. «Весяла» стихсь ушечни тяфта:

Шуди ляйть трваса
Шерьхондихть исатне,
Тавити удомаса
Удыхть пиже саттне,
Анык кофкясь валом
Таратказост фатнесь...

Тяда меле лятфневихть расанят, «нюди налса тошкци пиже нюдихть», паксаясь станцтасай стирень морот, паксаясь тевса ударниксь, гармонистсь Гарась и меки ляй трвастонь исатне и вьре валонц валонды ковнясь.

«Тундань илядь» стихть сясаськ тожа анык зачинонц: Ковнясь валдса валонды Марлюфнень, исатнень: Летьке вармась валомне

Шяярнязост фатнесь...

Илядыкс паялксонза сяка жа, мезе «Весяла» стихса

Малькин аф оцю пингста сёрмадсь аф фяк кемонь стих. Сяс кепотыксонди савонтьф вешатне нинге аф няфнесазь сонь поэзиянц марнек содержаниянц. Мон шарфтыне лувихнень мялснень сятнень лангс сяс, мес силь ульсь пак характернайхть авторть литератураса васенце аськолксонзон тиёмста аф сатыксонзонды.

Лия стихонза Малькинонь корхтайхть, што сон тя теждяня киняц эзда решительна аерчи, поэзиянц серьезнайгочни, эмоциональна козякочни. Сон кармась од ритмикань, сяда труднайста разрешандави темань вешендема. Стихонзон эса эряфонь явлениятне фатневихть коль сяда и сяда келлиста. И 1940 кизоста савомок сон максь ни аф кржа стих, конат эсь художественнай достоянствасон коряс малачнихть мокшень поэзияста инь цебарь стихотворениятнеди.

Колхознай крестьянствать экономиканц, бытонц цебарьгофтомац и тяконь шовор сонь психиканц полафтомац («Ичкоз-

день сёрма», «Пир», «Од кудазор», «Садовник», «Ошста куду» и лият), трудяйхнен тичинень пингонь эсь паваснон инкса тыремасна («Ульсь сексе», «Аленань плхтамац»), народть кельгомац эсь вождензонды («Панчфт», «Васенне денутатоньке»), минь народонь кнь героический тевонь прославленияц («Од календарь», «Морай Мордовиясь») странаньконь обронац («Казне») —вов кодама тематне тичи арась ведущайкс Малькинть поэзиянц.

Приторнай риторикать эзда поэтсь пятай аердсь ни. Слогонц сембе бойкайгоды. Сон сёрмады тичи проста, эрь лувити шарьхкодевиаста, лац работай формат отделкани лангса. Малькин может простой вешаста, конкретнай поступокста мумс признакт—типичнайхть, характернайхть лама явлениянди.

Минь арьсетама, што поэтсь кармай работама нинге сяда упорна, сяда келентсь эсь тематический кругонц, сяда отзвучивай ули эряфонь актуальнейшай событиятнеди.

(Полатксоц сай №-са).

Кафта цехнень соревнованиясна

Кафта кизонь ётамс котониннай фабрикань картоннай цехсь ашезе пшкотькшнес производственной планонц. Тянди ульсь всякай «объективной» причинат.

XVIII партийнай конференциясь специальна путсь кизефкс промышленность колга, штоба партийнай организациатне шарфтольхть оцю мяль промышленной производить шири.

Пшкотькшнемок XVIII партийной конференциягь решениязон, картоннай цехсь одукс ладзе работанц. Сонь эвондасть стахановецонза, а производственной планонц апрельть 7 це шинц самс пшкотедезе 102,3 проценте. Честнайста работамать мархта кассь рабочайхнень зарплатасна. Комсомолкась-машинисткась Дружининась норманц пшкотькшнесы 147,5 проценте, Радайкинась — 141 проценте и получандай

ковти 344 цалковой. Мухинась, работамок машинисткась, пшкотькшнесы норманц 142 проценте, зарплатац кассь 471 цалковойс.

Тяфтама примерда можна няфтемс пшк лама.

Руководительхне шарфтольхть оцю мяль цехса чистотать шири. Стенатненди тиендеви побелка.

Тя сембе ащи результатокс соцсоревнованияти. Тяся соревновандайхть сембе рабочайхне и бригадатне. А цехсь сявсь обязательства сатоме планть пшкотедемса котониннай цехть, пшкотедемс квартальной планть июньть 22-це шинц самс и максоме 122,5 тонна картон планда вельф.

Котониннай цехонь рабочайхне примазь картоннай цехонь рабочайхнень вызовсон и максеть вал аф максоме васенце вастть. Самошкин.

Саранск ош.

ЭКОНОМИЯТЬ ИНКСА

ВКП(б) нь XVIII-це партийнай конференциясь вещь предприятиягь графикть точнайста пшкотедеманц. Обычна завода сембе работать ламошка иляткшнес пшкотедемс ковть пениты, и эста сонь хозяйственниконза кярмотькшнесь штурмат.

«Дубитель» заводсь, ладямок эсь работанц XVIII-це партийнай конференциягь решениязон соответствияса, март ковта максеть аф калдяв результат, пшкотедезе производственной программанц 106,2 проценте.

Апрельть 1-це шистонза минь няеск, кодама оцю роль

работаса кирди эрь шинь графиксь. Суточный графиксь фалу пшкотькшнесы 105—112 проценте. Сяда цебарьста соблюдається производстваса температурнай режимсь, сяда кржа эрьси аварияда, кирьф-таф минимум оборудованьяса неперядкатнень сюнеда пингть юмафнемац. Март ковта трудонь производительность касфтф 120,5 проценте, лиякс мяргомс 910 цалковойс.

Оцю значениясна трудонь производительность кепотедемса стахановский школатнень.

Сумовская.

З.Полянский район.

Видемати анокт

«Активист» колхозсь аноклафта васьфтысьне тундань работатнень. Видьмонза плянц коре каяфт башка, селхозинвентарсь ремонтировандаф. Алашанза сембе средний упитанностьса Колхозникне учихть, мзярда ули мярьф-лисемс паксав.

Т. Кудашкин.

Краснослободский р-н.



СНИМКАСА: Ошский шелкоткальняй фабрикань (Киргизский ССР) комсомолкась Р.Хамутбаевась пшкотькшнесы выработкань норманц 110—120 проценте.

Фотось А. Ревякинть.

86

(ТАСС-ть фотон).

ШУМИХАСЬ ПОЛЬЗА АФ КАНДЫ

Собраниясонга и тяфтаконга «3-й решающий год пятилетки» колхозонь комсомолчине лама корхнеть аф грамотность и малограмотность машфтоманц колга, лувондозь тьянь эсьтейст почетнай и пшк ответственной задачке. Но нят валхт. Ванцаск, кода тевса ётафнесазь валсон комсомолчине. Кемокстафоль эрь комсомолчти 5—6 аф грамотнай. Решениясь цебарель. Иляткшнес аныпек пшкотедемс. Комсомольский организациат секретаренцты Кондаев ялгати ульсь максф тонафнемс ниле аф грамотнайхть. Васень пингть ушеткшнесень синь мархтоест занятиятнень, а тоса лоткась. Тяфта жа лоткафтозь тьянь коряс работасон Торопкин и Корольков культурмечне.

Аф аныпек тя кизефксть мархта аф занимадондакшни комсомольский организациас, но и сон аф примоси кодамовок участия производственной работасовок, аф максси лезкс колхозонь правленияти трудовой дисциплинаць кемокстама-са. Пинге ни комсомольский организациат кярмотедемс сят задачатненди, конатнень путнесыне сонь лангозонза Ленинско-Сталинский комсомолсь.

Арбузов.

Ковылкинский район.

Павазу Васедема

Ашезь кенерь лувомс мекольдены валхнень, кода сёрмась прась кядьстонза и аварьгадсь...

— Мес, мес Вани? — фкя-фкя мельге кизефнеть ялганза, — мезе тиевсь?

Кузнецов валонь апок астусь крилець лангста и сувась комнатас:

— Эх нать аф павазушта шась минь семьянке, мекольдены кельгома братозевок ашезь иляд пис. Степа... Степа... кельгома браткязе...

Летнай школать явоштозь кафта отделениява. Кузнецовсь повсь истребитель-летчиконь отделенияти. Несколько пида меле ётнихть лия школас. Нинге фкя киза и — цельсь ули саф. кармай удема летчикокс-истребителькс.

Кизоньберф Кузнецовашесть лотксезь ризамда, братонц колга арьсемась мзярдонга ашезь аеркшнес пристонза. Арьсекшнесь коданга курок юкстамс тя пичефксть, но юкстамац ульсь стакадонга стака.

Колма кизот тонафнема меле Кузнецов отличнайста аделазе летнай школать и получась лейтенантонь звания.

Иван Петрович максесы эсь эрыфонь родинать араманцты. Вдь советский власть сонь воспитандазе, касфтозе достойнай ломанькс. Выпускной вечерда меле тердезе Кузнецовть эсь кабинетонзонза школать начальникоц полковникс Иванов.

— Ну лейтенант ялгась, — корхтай сон, — тонь, кода отличникоц, кучсетядязь Дальневосточнай Армияв. Мезе азат тьянь колга?

— Пшк довольнай, полковник ялгась, — отвечаеь Кузнецов.

Иван Петрович Кузнецов ушеткшнесы эсь службани Дальневосточнай Армияса. Вагенда истребительнай авиацияс звенань командир, а тоса, кода летнай тевонь мастеронь, пшкнесазь командиркс истребительнай соединенияв. Сон ни получаеь капитанонь звания.

Кузнецов капитанть истребительнай соединениясонза лажь-лакась боевой тонафнемась. Йомбла «ястребокне» пиндолкшнесь эсь фюзеляжон мархта. Кой-конатнень саворне аэродромса шарондсть пропеллерсна. Мани илядень менелса вишкста лиендсть звенатне, моторонь шумсь маравсь ичкози-ичкози, кода атам торай вию пиземда инголе. Вов эвондась аэродромть велькс фкя «ястребок» и ушедсь высай пилотажень фигурань тиендема. Ульсь тяфта цебарь ваномс, тяфта интереснай, што аш кода валса азондомска. Ломатне сельмонь апок чипордак ванць ёндолкс кичии машинать мельге...

«Ястребоксь» эрызста колмоксть веролдась палнц велькска, а тоса ёндолкс тусь вярк, боку и нинге кевордась ламонь крда, и кода кев тусь алу модать шири. Нинге фкя кафта минута, и машинась удезь ни мода лангса. Но курокста торазевсь моторсь и эрызста мек

ки кеподсь вярк тунцатнень омбокс...

Тя Кузнецов капитанць яфнезе летчиконзонды, кода эриви лиендемс, кода эриви тюремс врагть каршес.

— Поздна илять Кузнецов сась квартиразонза, озась креслать ланге и ушедсь эсь потмованза думондама:

— Кодама эрект и смелхт летчикне. Тячинеь занятиятне особенна интереснайхть. Цебарьдонга цебарьхть машинатне, сядонга цебарьхть синь вятисна — летчикне. Веть-веть, шить-шить, мзярда кельк, анокт любовай заданиянь пшкотедема. Вдруг пажевсь кенкшсь. Сувась Наташас:

— Вани, мезень колга тяфта арьсекшнать? — кизефтезе сонь, — мес тейне мезевон аф азондат?

— Да, тяфтак, эсь работазень колга арьсекшнать, дивандакшнать летчикнень ланге.

Ушедсь ни валдашкадома, ульцяс няевсь сенем валдоньяс. Цинязевсь телефоннай звоноксь:

— Кузнецов капитанць кулхонды!

— Капитан ялгась, срочна сак штабу, тейть экстреннай телеграмма...

Ашезь кенерь нинге лисемс квартираста, а «эмкась» ни учсь эсонза. Несколько минута меле ульсь ни штабса. Телеграммась корхтась бойс анокламаты колга.

«Тревога» сигнальсь эрызста пурптозе летнотехнический составть. Аэродромса лаказевсь работась. Летчикне, техникне нинге весть проверякшнесь «ястребокнень» моторсон. Сембе подъемнай составсь шафтозь парашютсон и учсь приказ менелти кепотедемаь колга.

Истребительнай соединениять командироц Иван Петрович Кузнецов пурптозень летчикнень, технический составть, купсь автомашинать бортонц ланге и ушедсь корхтама:

— Ялгат! Минь получаме боевой приказ. Вракне нарушандазь минь границаньконь. Партиясь и правительствась кучесамазь боевой заданиянь пшкотедема. Машфтсаск провокаторхнень!.. Родинать инкса! Сталинть инкса!.. Бойс...

Сембе летнай составть сядонга кассь вракненди ненавистьсна, кажнайсь ёрась сяда курок бойс, сяда курок машфтоме провокаторхнень.

— Машинатнень эзга... «менелти!» — кайгозь-кайгозевсь командирть вайгялец.

Торазевсь моторхне. Звенатне фкя фкя мельге кеподсть менелти и сявсть курс вракнень шири...

Вов ни нежестькшнихть ляйт малас, ётазь границать. Командирсь увереннайста мольсь инголе. Ушеткшнихть грохиема вражеский зениткатне. Кафта минутань пингста колма истребительхне машфтозь врагть зенитнай точканзон. Кись свободнай. Мельгасть лихть кемотть бомбардировщикт, конат кандыхть «гостинецт» вракненди. Кеподсть вражеский самолетне, ушедсь воздушнай бойсь. Капитанть Кузнецовть личнай примеронц коряс лет-

чиконза тюрсть мужественнайста, настоящей геройкс. Врагть кеветишка самолетонц ни равжа качам мархта увназь прась модать ланге. Вражеский истребительхне кармась воргьодема. Фкя самолетсь аэрдсь илядхнень эзда шири. Кузнецовсь тусь мельганза и вишкпитезе скоростть. Люпштазе гашеткать... несколько очеретта меле вражеский истребительсь куколондась пшк вельф, кривазь и тусь алу...

Вражеский самолеттнень илядыксна воргьодсть. Истребительнай соединениясь кармась мрдама мек.

— Вражеский конницась! — макссь сигнал Кузнецовсь.

Истребительхне кевкс тусь алу и свинцовай пиземсь валозь валондозе вражеский конницаць...

Кафта сядошка алашась илядсь степть ланге на вечно Заданиясь пшкотьф отличнайста.

Аэродрому тьяни аныпек валгась истребительхне. Машинатнень эзда комотнеть летчикне. Вов ни синь молихть тишеть ланга. Кеветие минута инголе ня ломатне ульсь бойс. Сембе пуромсть штабной палаткаць вакс, ушеткшнй беспорядочнай корхтамась. Вию, пиндолды сельме летчикне кармась фкя-фкянди азонкшнема аф кунардонь сражениять колга.

Цебарьста тьяч минь, — корхтай Орловсь, — врагть комозышка истребительонц кривазьсась.

А зенитнай точкатнень кода минь... — кайги вайгяльса ювадсь вию, коренастай летчиксь Иноземцов, — кафта колма минутаста машфтоькс. А мельганк минь бомбардировщиконьке стройна рядса, брат, аныпек вжнайхть. А «гостинепсна» — врагть расположениас, повсть...

— Тя ладна, — корхтай Ивановсь, — а конницаць кода минь... Цебарь «котлетта» анокламе врагть, ламос аф юкстасы тя штурмать.

— Ну тя интереснай случай монь эрыфон, — корхтай техникненди серес аф оцю, кудравай лейтенантсь Миланов, — васень очередьстанига кривастине вражеский самолетть...

— Мон приметайне Миланов тонь тюремачень, — всеяласта пшкядсь Кривовсь, — мон ёрань врыгтемс сонь лангозонза, варжакстонь вражеский летчиксь ни парашюта вальги...

Тя шумнай, веселай группась примась участия лама воздушнай бойса и сембе бойхнень эса тюрсь героически.

Лоткасть грохиема пушкатне, аф цатордыхть ни пулеметне. Врагсь тапаф. Бойхне аделавсть. Летчикне тюрсть смелста, маштозь и кажнайсь ульсь анок максомс эсь эрыфонь родинать инкса.

Истребительнай соединениас одукс ушеткшнй мирнай тонафнемась. Летнай составсь сидеста лятфнесыне боевой эрыфонь шитнень, боевой эпизоттнень...

(Полатисоц моли. Ушеткисонц ванк 40, 41-№-ста).

СССР-ть и Норвегиять ёткса товарооборотть и платешнень колга соглашения

1941 кизонь апрельть 10-це шистонза Москуса подписанай СССР-ть и Норвегиять ёткса товарооборотонь и платешень колга соглашения. (ТАСС).

Первомайский праздникти анокламась

Москуть районзон эса вишкста моли аноклама трудячайхнень международнай празниксонды—1-це майти. Краснопресненский райононь сембе предприятиянень и учрежденийнень эса организовандафт первомайский комиссиат. Рабочайн куттнень, общежитиянень эзга, фабрикава, заводга, учреждениява ётафневихть докладт и беседат, конат посвященайхть 1-це майти.

ВКП(б)-нь райкомсь организовандафт инструктивнай докладт и консультациат агитаторхенди, беседчикхенди и пропагандистхенди. Районть парткабинетонзон и библиотеказон эса тиендехить поэтический и художественнай литературань выставкат.

Майть 1-це и 2-це шистонза Краснопресненский культурань и отдыхонь паркть эса, детский парка и райононь стадионть эса организовандавихть массовой народнай гуляньят. (ТАСС).

Пяшкотькшнемс поручениятнень

Общественнай поручениятнень пяшкodemасна кирди оцю воспитательнай значения. Сувафни комсомолецти порученнай тевть инкса ответственностень чувства. Минь, Од Выселжань комсомольский организациясь максси лама порученият. И тя пях пебярь. Вов Лобурев комсомолецти ульсь максф ответственной поручения, организовандамс пионерхнень ёткса БГСО значистонь анокламаса кружок. Тя поручениять Лобурев ялгась пяшкотькшнесы аккуратнайста, кружка ётафтт ни занятият.

По калдяв ся, што кой-коста ВЛКСМ-нь комитетсь, макссенок тя или тона комсомолецти поручения, аф вяти контроль кода пяшкотькшневихть поручениятне и аф максси сатомшка лезке тя тевть пяшкотькшнесы. Общева комсомолкась кемокстафоль отряднай вожатэкс. Виде, тейнза стака пяшкodemас атак лездт тя работать, а ВЛКСМ-нь комитетсь ашезь лезда. И результатокс танди арась ся, што мянь тачимс сон фкявок сбор ашезь ётафта. Антонов.

3-Полянский р-н.

Цебярьста ётафтозь соревнованиятнень

Атюрьевский средний школань комсомолечне цебярьста ётафтозь физкультурнай соревнованиятнень. Лувомок и аф союзнай од ломаттнень, соревнованиясь примасть участия 300 ломань.

Сембода цебярь результаттнень няфтезь Кучеровть и Селивановат группасна.

А. Попов.

Атюрьевский район.

Европаса и Африкаса войнась

(Апрельть 10-це шистонза военной
действиятнень дневниксна)

Балканский фронтса, Югославиясь, германский войскане, кода пачфневи германский командованиять сводкасонза, занязь Марибор ошть (Севернай Югославия) и лама пункт Югославиять юг и юго-восток ширесонза. Германский и итальянский авиациясь бомбардировандазень китнень, железнодорожный сооружениятнень и югославский войскань скоплениятнень. Югославский войскане тиендихть противникти виш сопротивлениа.

Югославский войскань колоннась, кода мольфти операцият Албаниясь, моли побережьять кувалма юг шири. Югославецне занязь албанский ошнень Лешть и Мамурасть (северо-западнай Албания), а тяфта жа Албаниять северо-восток ширесонза Кукесть и Бикайть. Центральнай Албаниясь мольсть местнай характерса бойхть.

Фронтть греческий участка-сонза, пачфнесы греческий командованиясь, греческий войскане Восточнай Македониясь (Северо-Восточнай Греция) повомок затруднительнай положениас, ашезь лафчепта эсь сопротивлениаснон.

Англо-германский фронтса воюючай ширетнень авиациаснон действиянза сембе сяда пях вишкомкшнихть. Германский

авиациянь крупнай соединениа-тне апрельть 10-це шини карша веть тисть налет английской военной промышленности центранц—Бирмингамет лангс и крупнай торговой ошть—Нажкатить лангс. Тяфта жа мольсть германский вооруженнай вийхнень операциясна мориса. Пачфневи куля Англиять территориальнай ведензон эса несколько английской суднань ваяфтомать колга.

Английский самолеттне тисть налет Даниять, Норвегиять и Франциять оккупированнай частенц лангс. Апрельть 10-це шини карша веть крупнай колбраса боибат ульсть ёрдафт Берлинть лангс. Ошть центранзонза тифт оцю разрушеният. Английский авиациять лия соединениянза тисть налет Эмденть и Северо-западнай Германиять лия об'ектонзон лангс.

Севернай Африкаса германо-итальянский войскане занязь Мекили пунктть (Дернаить эзда 80 километра сяда юго-запад ширеса).

Восточнай Африкаса основной операциятне мольсть Эритреясь. Итальянский сводкат эса тяфта жа азондови, што англичаттне занязь Массауа ошть, конань портоц арась афкондятикс, а портовой сооружениянза срафнефт.

(ТАСС).

Англияти береговой охранань американский суднатнень максомаснон колга

Юнайтед Пресс агентствась пачфни куля Англияти береговой охранань американский 10 суднань максомать колга. Ня суднатне могут конвоировандакшнемс торговой паро-

хотт, синь тяфта жа можнат использовандамс подводнай лодкатнень каршес тюрема. Максф суднатне строяфт 1928—1932 кизотнень пингста.

(ТАСС).

Южно-Африканский Союзу итальянский пленнайхнень самасна

Кода пачфнесы Рейтер агентствась, аф кунара Южно-Африканский Союзть портонзон эзда фкяти сась 7500 итальянский военнопленнай. Синь ульсть прважафт концентраци-

оннай лагерьс странать сяда иккоздень вастозонза. Тя васте партиясь 20 тэжянь пленнайть эзда, конат улихть кучфт Южно-Африканский Союзу.

(ТАСС).

Болгарский власттнень мероприятиясна

Болгарский газетатне печатлайхть ошса населениять поведениац колга власттнень лама распоряженияснон. Ня распоряжениятнень коряс аф марьгондеви пешехоттнеди

якамс мостовойхнень эзга. Софийска нормальная трамвайнай движениясь мольфтеви иладень 8 часттнень самс. 10-нь часттнень эзда сявомок трамвайхне лотксихть якамда. (ТАСС).

Физкультурнай зарядкат

Оцю залсь. Тяза пцтай эрьшина сашенткшнихть физкультурнай зарядкас Инсарский педучилишань ученикне. Зарядкась—тя ученикнень кельгома занятиасна. Турнигть и брусчатнень эса упражнениань тиендемась тиендсь ломанть виюкс, ловкайкс.

Сяс и педучилишань учащайхне гимнастикась коре ком-

сомольский организациятнень эса няфтсь блестящий результатт. Синь демонстрировандазь эсь бодростьснон, шумбрашиснон. Лувомок физкультурать и спортть оцю значениац, учащайхне мольфтьсаяз зарядкань ётафнемать.

И. Сурдяев.

Инсарский район.



Советский Союзть ошензон эзга.

СНИМКАСА: Лахути ульцясь Сталинабад ошса.

Фосоть Л. Дятловть
(Фотохроникась ТАСС-ть).

Уважениясь сатф честнайста работазь

Елена Федоровна Дунаевась «Марстонь вий» колхозникнень ёткса пользовандай огомнай уважениясь.

Сявомок 1939 кизоста, коса ба сон афоль работа, производственнай норматнень фалу пяшкотькшнесыне 170—190 процентс. Вов мезенкса Елена Федоровна ташкава уважандасазь сембе колхозникне.

Дунаева ялгась производ-

веннай работада башка, кода райсоветонь депутат, колхозникнень ёткса вати общественно-политический оцю работа.

Дунаева ялгать колхозса честнайста и ударнайста работаманкса Зубово-Полянский райсоветонь исполкомсь наметил 1941 кизови ВСХВ-в участниконди кандидатоке.

Н. Мялин.

280 ЛОМАНЬ

Аноклань оцю работась аши залогкс гимнастический соревнованиятнень успешнайста ётафтомасонды. Атяшевский райононь комсомольский организациятне, шарькодемек тянь, мольфнемок регулярнайста тренировочнай занятият, соревнованиятнень васьфтезь сембе ширде анокта.

Аньцек соревнованиань васен-

це шиста 280 комсомолец, комсомолка и аф союзнай од ломань участвовандасть соревнованиясь и сембе синь максозь кафкса упражнениа тнень вольнай движениясь. Троебориясь максозь норматнень отличнайста и цебярьста 156 ломань, лазаниясь—179 ломань и равновесиясь—270 ломань.

П. Волков.

Содамашиснон аф касфнесазь

Од Потьма велень первичнай комсомольский организациясь лувондови 13 комсомолец. Синь эздост аньцек 3 комсомолецт тонафнесазь «ВКП(б)-нь историять краткай курсонц» и XVIII партконференциять материалонзон, а лядкс комсомолечне эсь идейно-политический уровеньцнон аф касфнесазь.

Комсомольский организациять

секретарец Дорожкин ялгась собранияда башка кодамовок работа аф ётафни, комсомолецнень и од ломаттнень ёткса беседат аф ётафневихть. Обороннай и кружковой работась ладаф калдявста, а тянь сюнеда комсомольский организациясь ёфси аф касы.

И. Дорожкин.

Рыбинский район.

Аф анокт

«Великий перелом» колхозса сельскохозяйственной инвентарсь атак петть, сбруйхне тяфта жа атак аноклакт, алашатнень упитанностьсна калдяв.

Тя колхозса аш кодамовок порядка. Колхознай дворста,

МТФ ста и СТФ-ста навосне паксав атак усксект.

А комсомольский организациясь колхозникнень мархта массово воспитательнай работа аф ётафнихть.

Зобнин.

Инсарский район.

АПАК ПЕЧАТЛАК МАТЕРИАЛОНЬКОНЬ КОРЯС

«Комсомолонь вайгяль» газетать редакцияц эсь юнкоронц эзда получаь сёрма, конань эса сёрмафоль, што Порапа велень аф полной средней школань (Ковылкинский район) учительсь М. М. Ковайкинц школав сась предьста и ушедсь шумнама, мезень сюнеда юннатонь 3-це кружокнень эса ульсть сязьфт заня-

тиятне. Тя сёрмась ульсь кучф исследованиясь Ковылкинский РОНО ти, кода пачфть редакцияц кули, што фактне, конат ульсть азфт сёрмаса, подтвердились.

Учительхенди: М. М. Ковайкинц и Челмакинц РОНО-сь азсь последний преду прежде-ния мархта строгой выговор.

Ответ. редакторсь И. ЧУДАЙКИН.